



Miltienis Stepuons

Kėlėma nu Ylakiū (Skouda rajuons). Matematiks, bet vėsa sava omžio, kėik jau pats atsėmėn, "draugava so puoezėjė". Žemaitėškaa pradiejė eilloutė 1991 metaas. Anuo eilieraštee yr spausdintė Skouda, Raseiniu rajou- nu laikraštiūs, Skouda literatu puoezėjės rinktėnie, Žemaitiu kultūras draugėjės laikraštie "A mon sakaa?", "Žemaitėjės" žornalė.

*Ėš Tolminkiemė bažnyčės
Ėstuorėjė varžas senee. —
Soklaupė būraa ėr puonaa,
"Metus" muokuos mintėnaa.
Juk pastuoriaus žuodis — anėi žėna —
Dieva nuleists iš dongaus. —
Dėl tuo puoeta žuodl omžees
Tolminkiemė varpaa gaus.*

MAMAA

*Krizantemas pouš kapa...
Teep švėise...
Tava žuodis kūno tapa —
Aš eso!
Gedulingas mona mėslės skralda
Vėsumet... —
Nesotraukytė mūsa sailu
Nikumet!
Ėlgesingaa skaudi žuodi —
Malda
Šnabždo,
Vo skausmos kuožna dėina skalda
Kaap kuokio kūjo mona šėrdė vargšė.
Cyruliu —
Trūbu gedulings maršos...*

"PIPER-28" — ŽEMAITĖJUO

DARIAUS IR GIRIENA ŽYGDARBIS... Tas skrydis per Atlanta jau legenda. Pernaa mėnavuojem anuo 60 metu sokakti. Atsėmėniem, ka tėi do lakūna bova ėr žemaitėe. Atsėmėnė tou ėr žemaitėe lakūnaa — do truopnė vyraa: JUKNIOS JUONS ėr SLUŠNYS EDVARDS. Tou pruoga anėi somėslėjė patys sportėnio liektovo "PIPER-28" perliekte Atlanta — iš Amerikas noliektė i Lietova. Tas skrydis bova ne mažiau rizikings kaap tas, pryš 60 metu (plataiau aple E. Slušnė ėr J. Jukniaus skrydi skaitykėt šiū metu ontramė "Žemaitiu žemės" numerie — psl. 14-15). Pavyka vyrams. Bet, kaa tik atskrėda i Lietova, tujau pat jiemė griaužtė kėrmėns, kou darys so tou liektovo. Bova pėrkė anou ož skuolintus piningus Amerikuo (sošelpė dėdėlies dūšės žmuogos, teep pat žemaitė, kėlėma nu Plungės PETRUTYTĖ DUOMĖCELĖ). Skuola reikiejė atėdoutė, bet ėr tuo stebuklingaa tarnavosė, dabaa jau istuorėnė liektova dėdėlee lakūnaa nenuoriejė bet kam pardoutė. Vuo pardoutė reikiejė, nes patys lakūnaa tėik piningū ėr ėe, Lietovuo, netoriejė, ka galletom patys ož anou išmuokietė. Tumet ėr atvažiava i Žemaitėjė. Žemaitiu kultūras draugėjės pėrmininks KASPARAVIČIOS STANISLUOVS — pats lakūns. Dabaa, kaa pradiejė dėrbtė Žemaitiu "Alkas" moziejaus dėrektorio, jau ėr aple Žemaitėjės aviacėjės mo-

ziejaus ikūrėma ons mėslėj. Tad mintės, ka tou liektova reek palėktė Žemaitėjuo, ėr gėmė Telšiūs. Tujau bova sodaryts lakūnu riemėma fonds, išsiūsta šimtaa laiškū i vėsas Lietovuos posės so prašymaas tou fondaa pėrėmtė. Kou tén besakytumi, vo laikaa mūsa žmuonėms, ystaiguoms, organizacėjooms dabaa yr sunkė. Dėl tuo tū piningū i fonda atkeliava nedaug. Ėr tumet kaap ėr jau ne vėina karta onkstiau pagelbas ronka ištėisė

Telšiū miesta valdyba, katraa tou laiko vaduovava truopnos žemaitis, dėdėlis Žemaitiu kultūras draugėjės riemies MARTINKOS PETROS. Dėdėlis diekou anam! Ėr atsėtėka teep, ka istuorėnis "Piper-28" pėrmuom rogpjūtė mienesė dėinuom bova nutupdyts Telšiū aerooklubė ėr vėsam laikou pasėlėka Žemaitėjuo.

PERMĖNS STASYS



"Piper-28"